



## **Ohcanbagadus 2024**

SÁNAG dutkan- ja ovdánahttinruđat 2024

## Sisdoallu

1. SÁNAG dutkan- ja ovdánahttinruđat.....	2
2. 2024 ruhtadeapmi.....	4
3. Prošeavttat maidda sáhhtá ohcat doarjaga .....	7
4. Ohcanskovi bagadus.....	8
5. Bagadeaddji protokolla/prošeaktagovvidussii dutkan-, ođđahutkamuš- ja fága- ja bálvalusovdáneapmái.....	12
6. Bagadus álggahanstipeandda ja bálvalusovdánahttin prošeaktaevttohussii (eanemus 4 siiddu).....	15
7. Eará mildosat.....	15
8. Raporta ja rehketdoallu.....	16
9. Bajilgovva buot bákkolaš mildosiin 2024 .....	17

# 1. SÁNAG dutkan- ja ovdánahttinruđat

Sámi našuvnnalaš gealbobálvalus – psyhkalaš dearvvašvuodasuddjen ja gárrendilledivššu (SÁNAG) DjO-stivra juohká gitta 2 milj. ruvnnu rádjai jahkásaččat dutkamiidda ja ovdánahttinprošeavttaide. Ulbmil ruđain lea doarjut prošeavttaid mat ovdánahttet máhtu sámi álbmoga psyhkalaš dearvvašvuoda suddjema ja gárrendilledivššu suorggis.

Sáhhtá ohcat doarjaga:

- Dutkanprošeavttaide/PhD/postdoc
- Ođđahutkamuš ja/dahje fágaovddidanprošeavttat
- Prošeaktaovdánahttimii/ álggahanstipendii

Sáhhtá juolluduvvot doarjja olles dahje oasi dutkanprošektii, ođđahutkamuš ja/dahje fágaovddidanprošeavttat, mii maiddá sistsidoallá fága- ja bálvalusovdánahttinprošeavttaid dutkanvuodđuduvvon evalueremii ja implementerenoaheid. Sáhhtá maid juolluduvvot doarjja prošeaktaovdánahttimii (álggahanstipeanda) gitta golmma mánnui ohcamuša hábmet PhD-stipendii, postdoc, ođđahutkamuš ja/dahje fágaovddidanprošeavttat.

Dutkan ja ovdánahttinbargu galgá leat áššáiguoskevaš sámi álbmogii. Bargu galgá maid čadnojuvvot klinihkalaš doibmii ja váikkuhit buoredit dearvvašvuodabálvalusaid sápmelaččaide.

## 1.1 Ohcanvuogádat ja ohcanskovvi

Ohcanskovi gávnnat [dáppe](#).

Ohcamuša galgá deavdit dieđuiguin mat jerrojuvvojit, geavat ohcanbagadusa dása.

Ohcamuš sáddejuvvo elektrovnnalaččat vuolláičállagiin áigemeari siskkobeali **golmma pdf-fiillain**:

- Ohcanskovi
- Protokolla/prošeaktačilgehus/prošeaktasevttohus
- Eará mildosat čohkkejuvvon goalmmát pdf-fiilli:
  - Duodaštusat mat duodaštit vuodđobálkká, oahppoduodaštus, spesialistadohkkehus, virgedili duodaštus dahje PhD gráda go bálkká galgá mearridit sidjiide geat ohcet bálkádoarjaga ja CV dáidda.
  - Prošeaktajođiheaddji CV
  - Eará duodaštusaid mat jerrojuvvojit.

Go vuostáiváldit ohcamušaid de duodaštat e-boasta bokte ahte leat ožžon ohcamuša prošeaktajođiheaddjái ja hálddahaslaš jođiheaddjái/ dutkanovddasvástideaddjái. Ohcamušaid gieđahallá SÁNAG DjO-stivra. Ohcamušat árvvoštallojit kvalitehta ja áššái gullelašvuoda ektui.

- Ohcci ferte doalahit ohcanáigemeari, son ferte maid doalahit formálalaš gáibádusaid ja fuolahit ahte bákkolaš mildosat leat ohcamii.
- Ohcamat mat eai deavdde formálalaš gáibádusaid eai sáddejuvvo viidáset guorahallamii DjO-stivrii. Loga ohcanbagadusa dárkilit.
- Ohcamat mat áigemeari maŋŋá bohtet eai sáddejuvvo viidáset guorahallamii DjO-stivrii.

Ohcama vástádus bohtá prošeaktajođiheaddjái ja institušuvdnii/dutkanovddasvástideaddjái, sihke ohcamušat mat jokset ja mat eai jovssa doarjjagáibádusaid ožžot oanehis čálalaš kommentára mii guoská ohcamii, maŋŋá juolludeami.

### **1.2 Ohcci kvalifikašuvnnat ja geatnegasvuohta**

Sii geat devdet 70 jagi dahje eambo ohcanjagis eai beasa ohcat. Jus prošeaktajođiheaddji deavdá 70 jagi prošeaktaáigodagas, de ferte ohcanásahus čálalaččat čilget gii prošeaktajođiheaddjiovddasvástádusa váldá badjelasat.

Prošeaktamielbargit/bagadeaddjit geat devdet 70 jagi dahje eambo ohcanjagis, sáhttet oasálastit prošeaktii, nu guhká go sis lea gullelašvuohta ohcanásahussii dahje ovttasbargoásahussii prošeaktaáigodagas. Bagadeaddji guhte lea ovddasvástideaddji fágabagadeaddji sáhttá leat barggus eará sajis go ohcci ja dutki.

Ohccis/prošeaktajođiheaddjis lea ovddasvástádus prošeaktii prošeaktaáigodagas ja galgá raporteret prošeavttas.

### **1.3 Ohcanásahusa geatnegasvuohta**

Ohcanásahus lea dat ásahus gos prošeakta galgá čađahuvvot, ja doppe gos dutki lea virgáduvvon prošeaktaáigodagas. Ásahus lea bargoaddiovdasvástádus ohccái ja earáide geat virgáduvvojit prošeaktii (omd. ph.d.-stipendiáhta). Ohcanásahus lea organisatoralaš ovddasvástádus čađahit prošeavtta, ja galgá doalahit fysalaš bargosaji.

Jus bagadeaddji dahje prošeaktajođiheaddji lea virgáduvvon eará ásahus, de lea lihkká dutki ásahugullelašvuohta ja ásahus gos prošeakta čađahuvvo mii lea ohcanásahus ja dutkanovddasvástideaddji ásahus.

Dutkan ferte sajáiduvvot ohcanásahusa jođihangottis. Dat mearkkaša ahte jođihangoddi dohkkeha ahte ohcan sáddejuvvo ja ahte ohcci oažžu permišuvnna. Jus ohcamuš dohkkehuvvo, de ferte ohcanásahus láchit dili nu ahte prošeakta sáhttá čađahuvvot. Jus dohkkeha prošeaktaruhtadeami, de oažžu ohcanásahus ekonomalaš ovddasvástádusa ja dat mii guoská čađaheapmái bušeahta vuodul. AML §14-9 ja eará njuolggadusaid galgá čuovvut go lea sáhka fásta/gaskaboddosaš virgádeapmái.

Áigodatlaš bušeahtta galgá ráhkaduvvot gos prošeavtta obbalaš golut čužžot. Ohcanásahus lea rehketdoalloovddasvástádus ja sii stivrejit prošeavtta rehketdoalu jus ožžot DjO-ruhtadeami. Ohcanásahus ferte čuovvut rehketdoallonjuolggadusaid mat gusket DjO-ruhtadeapmái. Jus oažžu ruhtadeami rusttegiidda, de lea ohcanásahus mii galgá fuolahit divodeami ja ahte rusttegat doibmet.

## 2. 2024 ruhtadeapmi

SÁNAG:s leat muhtin váldosuorggit mat vuoruhuvvojit go juolludat dutkan ja ovdánahttinruđaid, dat leat čuovvovaččat.

*Fuomáš: Čuoggáid ortnetvuorus ii leat mearkkašupmi, buot čuoggáin lea seamma vuoruhus.*

### Sámi álbmotdearvvašvuohta

- lešsoardineastadeapmi / iešgoddineastadeapmi
- Dearvvašvuođaovddideaddji ja/dahje eastadeaddji dagaldagat psyhkalaš dearvvašvuođa, gárrendili ja sorjavašvuođa oktavuodas
- Dearvvašvuođaovddideaddji ja/dahje eastadeaddji doaimmat psyhkalaš dearvvašvuođa, gárrendili ja sorjavašvuođa oktavuodas
- Mánáid, nuoraid ja nuorra ollesolbmuid bajásšaddan ja/dahje eallindilli psyhkalaš dearvvašvuođa, gárrendili ja sorjavašvuođa ektui

### Sosiála ja kultuvrralaš riska- ja suodjalusfáktorat mat leat čadnon psyhkalaš dearvvašvuhitii, gárrendillái ja sorjjasvuhitii

- Traumat
- Illasteapmi, veahkaválddálašvuohta ja fuolahisvuohta
- Nállevealaheapmi ja vealaheapmi
- Vealaheapmi
- Bearašfierpmádat ja báikegoddi
- Etnalaš identitehtaovdáneapmi

### Dearvvašvuođabálvalusat heivehuvvon sápmelaččaide

- Sámi geavaheaddjiváikkuheapmi dearvvašvuođabálvalusain
- E-dearvvašvuohta/digitála dearvvašvuođafálaldagat
- Klinihkalaš oahput psyhkalaš dearvvašvuođa, gárrendili ja sorjavašvuođa oktavuodas
- Dearvvašvuođabálvalusovdáneapmi
- Ovttasdoaimman

### Prošeavttat main lea earenoamážit lulli- ja julevsámi psyhkalaš dearvvašvuohta, gárrendilli ja sorjjasvuohta guovddážiis

#### 2.1 Ovttasbargu SÁNAG:in

Buot prošeavttat mat ožžot DJO-ruhtadeami galget ovttasbargat SÁNAG:in. SÁNAG:s galgá leat okta dahje eambo dáin rollain:

- Prošeaktaeaiggát (ovddasvástideaddji ásašus)
- Prošeaktajođiheaddji
- Prošeaktamielbargi
- Bagadalli / veahkkebagadalli

- Ovttasbargoguoibmi

Ovttasbargu prošeaktamielbargin, bagadeaddjin/veahkkebagadeaddjin ovttasbargoasálaš berre mielddisbuktit aktiivvaláš saji mii fátmasta mielgirječállin Vancouver-njuolggadusaid ektui.

Mii dárkkuhit ahte ovttasbargu ja fátmasteapmi SANKS`ain lea FoU-doaimmaid sáhka. Ovttasbargošiehtadus atnit klinihkalaš doaimmaid nugo ovdamearkka dihte doarjjaságastallamat dearvvašvuodabargiiguin ja sullasaš, eai boađe ovttasbarggu eavttuid vuollái. Juolludeapmi gáibida unnimusat ahte SÁNAG krediterejuvvo ruhtadangáldon go álmмуha ja ovdanbukta prošeavtta.

## 2.2 Sámi perspektiiva

SÁNAG DjO doarjjaruđat leat čadnon SÁNAG višuvdnii mii leage ovdánahttit ja nannet ovttađassásaš bálvalusaid psyhkalaš dearvvašvuodas, gárrendilis ja sorjjasvuodas sámi álbmogii. Ohcamuš galgá govvidit makkár ávkeárvu prošeavttas lea sámi álbmoga psyhkalaš dearvvašvuhtii, gárrendillái ja sorjjasvuhtii. Prošeakta ferte čájehit ahte lea máhttu daid sámi diliid birra man prošeakta galgá iskat. Prošeakta galgá fátmastit sámi geavaheaddjimierváikkuheami, ja ohcci ferte čilget mo dat vuhtiiváldojuvvo prošeavttas.

## 2.3 Geavaheaddjimierváikkuheapmi

Geavaheaddjimierváikkuheapmi lea gáibáduš go lea plánemin ja čađaheamen klinihkalaš dutkama ja dearvvašvuodabálvalusdutkan. Geavaheaddjiidváikkuheapmi lea nannejuvvon spesialistadearvvašvuodabálvalus lága bokte jf. Helseforetaksloven § 35, ja dearvvašvuodaeiseváldi<sup>1</sup> lea bidjan gáibádusa geavaheaddjimierváikkuheapmái dearvvašvuodadutkanis. Lea ásahuvvon [našuvnnalaš retningslinjer or brukervedvirkning i forskning](#). Našuvnnalaš ja Davvi Dearvvašvuoda RHF njuolggadusat geavaheaddjimierváikkuheapmái dearvvašvuodadutkanis guoská dutkanprošeavttaide mat leat ruhtaduvvon SÁNAG DjO-ruđain.

Váldonjuolggadus Davvi Dearvvašvuoda ruhtaduvvon prošeavttain lea ahte geavaheaddji namma galgá bohtit ovdán. Geavaheaddji lea pasieantajoavkko ovddasteaddji, ja anonymitehta dáhpáhuvvu dušše erenoamáš dilálašvuodain. Dat váldonjuolggadus maid guoská prošeavttaide mat ožžot DjO-ruhtadeami.

### 2.3.1 Mii lea geavaheaddjimierváikkuheapmi?

Dutki ferte árvvoštallat makkár geavaheaddjiidmierváikkuheapmi heive ovttaskas prošeaktii. Dutki ferte protokollas/prošeaktačilgehusas čilget mo jurddaša geavaheaddjiid ávkkástallat plánen- ja čađahandásis. Čilgehusas maid galgá bohtit ovdán makkár ávki prošeavttas lea geavaheaddjiulbmiljovkui.

Geavaheaddjit leat dáppe definerejuvvon pasieantan dahje oapmahažžan. Earát maid sáhttet leat dutkama geavaheaddjit, nu go ovdamearkka dihte dearvvašvuodabargit, muhto sii eai leat

---

<sup>1</sup> Geahča «[Veileder brukervedvirkning i helseforskning](#)»

primárageavaheaddjeoavku maid gáibádus sísttisoallá. SÁNAG muittuha gáibádusa sámi geavaheaddjimielváikkuheapmái nu ahte sámi perspektiivvat sihkarastojuvvojit proševttas.

Ferte rehkenastit olggosgoluid go lea geavaheaddjimielváikkuheapmi dearvvašvuodadutkamis. Dutki ferte bušeteret buot olggosgoluid plánejuvvon proševttas, dat maid guoská olggosgoluide geavaheaddjimielváikkuheami oktavuodas. Davvi Dearvvašvuoda RHF dohkkehuvvon buhtadasaid ja eará dearvvašvuodafitnodagaid buhtadasaid gávnnat lijkkas vuolábealde.

- [Veileder for brukervedvirkning i helseforskning i spesialisthelsetjenesten \(mai 2018\)](#)
- [Vedtatte retningslinjer – brukervedvirkning i helseforskning i Norge \(26. februar 2015\)](#)
- [Rapport – brukervedvirkning i helseforskning i Norge \(10. februar 2014\)](#)
- [Brukervedvirkning på systemnivå i helseforetak \(februar 2017\)](#)
- [Godtgjørelse av brukere i Helse Nord RHF og alle underliggende helseforetak \(oppdatert 2022\)](#)

## 2.4 Ehtalaš neavvun/dohkkeheamit

Vurdojuvvo ahte ohccái leat ehtalaš njuolggadusat oahppásat. [Dutkanehtalaš barggu organiseren láhka \(forskningsetikk\)](#) guoská buot dutkiide ja dutkanásahusaide, čujuhat erenoamážit mearrádusaide mat gusket dutki várrugasvuodageatnegasvuhtii ja dan ahte čadāhit dutkama dohkkehuvvon dutkanehtalaš norpmaid vuodul. Našuvnnaš dutkanehtalaš komitea [obbalaš dutkanehtalaš njuolggadusat \(generelle forskningsetiske retningslinjer\)](#) mitalit prinsihpaid dutkanetihka birra.

[Medisiinnalaš ja dearvvašvuodafágalaš dutkama njuolggadusat](#) gusket proševttaide mat medisiinnalaččat ja dearvvašvuodafágalaččat dutket olbmuid, humána biologalaš materiála dahje dearvvašvuodadieđuid. Dakkár dutkan maid sisdoallá geahččaladdanoahppu ja dikšugeahččaladdan. Dat guoská lihkká dušše daid proševttaide main ulbmil lea oččodit eambo máhtu dearvvašvuoda ja buozalmasvuoda birra, ja dat dáhpáhuvvu systemáhtalaččat dutkanprotokolla vuodul.

Proševttat mat fátmastuvvojit dearvvašvuodadutkanlága vuollai fertejit dohkkehuvvot REK:s ovdal go biddjojit johtui. Jos áigo geahččalit dálkasiid de ferte ohcat dohkkehusa dáppe: Statens legemiddelverk. Ja proševttat mat gáibidit ávžžuhusa persovdnagáhttenáittardeaddjis fertejit dieđihuvvot sierra institušuvdnii.

Dutkan ja ovdánahttinproševttat mat eai leat dearvvašvuodadutkanproševttat galget dieđihuvvot ja ovddalgihtii dohkkehuvvot NSD:s (norsk senter for forskningsdata). NSD galgá árvoštallat jus prošeahta vuhtiiváldá persovdnadieđuid nu go EUS persovdnasuodjalusláhkanjuolggadusain (General Data Protection Regulation, GDPR) ja persovdnadiehtolágas ovdanbohtá.

Ohcci berre oahpásnuvvat GDPR<sup>2</sup> gáibádusaide mat gusket pensuovdnadieđuid čohkkemii ja vurkemii,

#### **2.4.1 Sámi dearvvašvuodadutkama áššedovdi etihkalaš lávdegoddi**

Norgga sámediggi lea ráhkadan etihkalaš njuolggadusaid sámi dearvvašvuodadutkamii. Ulbmil njuolggadusain lea sihkarastit ahte sámi dearvvašvuodadutkan vuodđuduvvá álgoálbmogiid iešmearridanvuoigatvuhtii, ja vuhtiiváldá ja árvvusatná sámi kultuvrra ja sámi servodaga girjáivuođa ja iešvuoda.

Proševttat maid SÁNAG ruhtada galget čuovvot mearriduvvon njuolggadusaid. Digitála ohcanskovvi mii gullá sámi, kollektiivvalaš miehtama viežžamii gávdno [dáppe](#).

### **3. Proševttat maidda sáhtá ohcat doarjaga**

#### **3.1 Dutkanprošeakta/Ph.d./Post. Doc**

Dutkanproševttat mat fátmastit medisiinnalaš ja dearvvašvuodafágalaš dutkama de ferte organiseren ja gelbbolašvuohta čuovvut dearvvašvuodadutkama lága ja dan lánkaásahusaid. Jus ohcá PhD-stipendiáhta, de ferte prošeaktajođiheaddjis leat doavttirgráda dahje leat vuosttašamanueansa gelbbolašvuohta. Prošeaktajođiheaddji kompetánsa galgá dokumenterejuvvot ja biddjot mildosiin ohcamiid.

#### **3.2 Ođđahutkamuš ja fágaovdánahttin**

Ođđahutkamuš dearvvašvuodabálvalusain mielddisbuktá ovdáneami ođđa bálvalusain, ođđa buvttadeabmiproseassain dahje ođđa organisašunhámi kvalitehta lassáneami, lassi bevtolašvuođa ja lassi miellagiddevašvuođa sihke sámi geavaheddjiide ja bargiide. Fágaovdáneapmi mielddisbuktá máhttoovdáneami sihke buoret ja ovttadássásaš bálvalusaide sámi álbmogii. Dat sáhtá earet eará sisttisoallat vuohkeovdáneami, ja sisagođđima ja buoridemiid rutiinnaide ja vuogádagaide. Ođđahutkamuššii ja/dahje fágaovddidanproševttaide eai leat gáibádusat ahte prošeaktajođiheaddjis galgá leat doavttirgráda dahje vuosttašamanueansagelbbolašvuohta. Prošeaktajođiheaddjis berre leat gelbbolašvuohta ovdánahttin/kvalitehtabargguin. Prošeaktajođiheaddji gelbbolašvuohta galgá duođaštuvvot ja biddjot mielddusin ohcamušas.

#### **3.3 Álggahanstipeanda**

Sáhtá ohcat doarjaga álggahanstipendii gitta golmma mánnui, hábmet protokolla/prošeaktačilgehusa PhD- stipendii ja postdocii. Ohcamuš sáddejuvvo dábálaš ohcanskoviin, muhto ii dárbbáš ráhkadit ollislaš protokolla/prošeaktačilgehusa. Dan sadjái biddjojuvvo mildosiin prošeaktaevttohus, mii lea eanemus 4 siiddu, mas guoskkaha áššiid mat leat namuhuvvon 6. kapihttalas.

---

<sup>2</sup> [Lov om behandling av personopplysning \(personopplysningsloven\)](#)



Álggahanstipeandda ohccis ferte unnimus leat mastergráda. Dasa lassin lea sávahahtti ahte prošeakta lea ángiruššan prošeaktajođiheaddji/bagadalli mas lea dutkangelbbolašvuhta. CV ja bagadallanjulggaštus galgá mildosiin ohcamušas. Jos ii leat vel gávdnan prošeaktajođiheaddji/bagadalli mas lea dutkangelbbolašvuhta go sádde ohcama, de galgá ohcamušas čilget mo dán áigo čoavdit prošeaktaovdánahttináigodagas.

### **3.4 Prošeaktaovdánahttin**

Jus ohccis lea bealledahkkon prošeaktajurdda, de sáhtta ohcat doarjaga prošeaktaovdánahttimii gitta golmma mánnui, hábmen dihte protokolla/prošeaktaevttohus. Prošeaktaevttohus galgá čuovvut gáibádusaid mat leat čilgejuvvon dán bagadus (geahča 6. kapihttala). Prošeaktaovdánahttin ohcamuš berre sisttisoallat plána geaiguin ovddusguvlui áiggošii ovttasbargat.

*FUOM: Ohcamušas ferte maid mildosiin duođaštus gos bargoadi duođašta, ahte ohcci oážžu virgelobi nu mo ohcamušas čilgejuvvo, jos ohcamuššii juolluduvvo ruđa. Ferte maid bidjat mildosiin vuodđobálkká duođaštus. Áigodat man ovddas ohcá ferte maid čielgasit boahit ovdan.*

## **4. Ohcanskovi bagadus**

Ohcanskovi lea gávdnamis [SÁNAG neahttasiiddus](https://sanks.no) (sanks.no). Deaddil ránes ruvttui, de beasat čállit dasa – ruvtto viidu dađistaga go čálát. Ohcan galgá sáddejuvvot elektrovnnalaččat ovdal 31.10.22 dii. 12:00 e-boasta čujuhussii [sanks-fou-soknader@finnmarkssykehuset.no](mailto:sanks-fou-soknader@finnmarkssykehuset.no)

### **4.1 Ohcanmálla**

Ohcanmálla ferte bohtit ovdán ohcamušas. Geahča ohcanskovis čuoggá 2.

### **4.2 Čuolbma**

Fertet hábmen gaskaboddosaš prošeaktanama. Prošeavtta čuolbma maid galgá čilgejuvvot (eanemusat 100 sáni).

### **4.3 Áigeplána**

Čále vurdojuvvon áigodaga olleš prošeaktii. Álggus gitta goassáži árvvoštalat prošeavttain geargan. Mii ávžžuhat ráhkadit plána gos čilget maid áiggut olahit goas, nu čájehat prošeavtta progreshuvnna. Bija ruoso jus leat ovdal ožžon doarjaga dán prošeaktii.

### **4.4 Progreshuvnna čilgen**

Dán čuoggá deavddát jus prošeakta lea ožžon doarjaga ovdal. Mii háliidat oanehaččat oážžut dieđuid prošeavtta ovdáneami birra. Čilge čuovvu go prošeakta ovddit áigeplána. Jus ii čuovo dán áigeplána, de čilge siva dasa (eanemusat 100 sáni).

#### 4.5 Ovttasbargoguoibmi/guoimmit

Dutkanprošeavttain fertejit ovttasbargoguoimmit, regionála, nationála dahje riikkaidgaskasaččat, olggobeale iežat institušuvnna. Fága- ja bálvalusovdánahttinprošeavttain ávžžuhuvvo maiddáí ásahit ovttasbargoguoimmiid olggobeale iežat institušuvnna, váikke ii leat bákkolaš.

Spesifisere ovttasbargoguoimmiid skovváí. Čilge mo ovttasbargu galgá čađahuvvot, čále nama, bargobáikki/institušuvnna. Ovttasbargošiehtadusat guoskevaš beliiguin galget biddjot mildosiin. Skovis galgá čuožžut maid guoskevaš ovttasbargoguoibmi galgá bargat prošeavttas. (eanemusat 100 sáni).

Fágaidrasttildeaddji ja regionála, nationála ja/dahje internationála ovttasbargu deattuhuvvo go meannudit ohcamiid.

*FOUM! Prošeavttat mat ožžot DiO-doarjaga, galget fuolahit ahte SÁNAG:s leat okta dahje eambo dáid rollain: prošeaktaeaiqqát (ovddasvástideaddji ásahus), prošeaktajodiheddji, prošeaktamielbarqi, baqadalli/veahkkebaqadalli dahje ovttasbargoguoibmi, qeahča kapihttal 2.1.*

#### 4.6 Prošeavtta čoahkkáigeassu

Prošeavtta čoahkkáigeassu sisdoallu: Čuolbma, vuohki, dieđalaš ja klinihkalaš mearkkašupmi/ relevánsa dearvvašvuodálágádussii/SÁNAG:i, publikašuvdnaplána (eanemusat 200 sáni).

#### 4.7 Ollislaš bušeahтта

Buot olggosgolut ja ruhtadeamit galget spesifiserejuvvot dego bálká, doaibmagolut, bálvalusaid oastin ja eará olggosgolut. Konkretisere bálkká dieđuid, dego vuodđobálká, sosiála olggosgolut dahje lasáhus. Doaibmagolut sáhttet gokčojuvvot obbalaččat. Buot prošeaktaolggosgolut fertejit čadnojuvvon prošeaktii. Jus leat ohcan doarjagiid eará ruhtagálduiguin, de fertet čállit gos leat vel ohcan doarjaga. Dasa lassin ferte čállit makkár prošeaktagolut galget gokčojuvvot eará ruhtagálduiguin<sup>3</sup>.

Sáhtta ohcat ruđa, mii gokčá kaleanddarjagi 2024 goluid. Eaktuduvvo ahte ruhta geavahuvvo bušeahтта plána mielde dan jagi masa juolluduvvui.

Go ohcamuš sáddejuvvo ja vejolaš juolludeapmi dohkkehuvvo, de ohcanásahus geatnegahtta iežas gokčat daid geatnegasvuodaid maid bušeahтта mielddisbuktá nu ahte prošeakta čađahuvo.

---

<sup>3</sup> Annen finansieringskilde kan være tildeling av midler fra andre søkerinstanser (Sametinget, Helse Nord RHF, Statsforvalter, DAMM m.m.), det kan også være at kostnader i prosjektet finansieres med en egenandel fra søkerinstitusjonen (f. eks. lønn til prosjektleder/medarbeider)

Ovdamearka bušehta čállimis:

Olggosgolut/ golut	Gokču eará ruhtagálduiguin	Ohccu doarjja SÁNAG DjO-ruhtadeamis
Vuođđobálká 4 mánu 100% virgi prošeaktajođiheaddji NN (+sosiála divvagat)		ru 148 000
Individuála bálkálásáhusat, vuođđobálká 4 mánu lassin (+sosiála divvagat) <sup>4</sup>		ru 12 000
Vuođđobálká 4 mánu 50% virgi prošeaktamielbargi AA(+sosiála divvagat)	ru 80 000	
Individuála bálkálásáhusat, vuođđobálkká lassin (+sosiála divvagat)	ru 0	
Vuođđobálká 4 mánu 20 % virgi dutkanveahkkebargi BB (+sosiála divvagat)	ru 20 000	
Individuála bálkálásáhusat, vuođđobálkká lassin (+sosiála divvagat)	Kr 0	
Mátkkit jearahallamiid oktavuodas		ru 14 000
Gollu mii guoská geavaheaddjiváikkuheapmái (dasa guoská honorára/buhtadas, čeahkkindoaima jna.)		ru 5 000
<b>Submi</b>	<b>ru 100 000</b>	<b>179 000</b>
<b>Ollislaš submi</b>	<div style="border: 1px solid black; padding: 5px; display: inline-block;">                     Supmit galget seammalágan go «submi» ruvttu tabeallas "doarjja/ruhtadeapmi"                 </div> ru 279 000	

Doarjja/ruhtadeapmi		NOK (ruvdnu)
<b>SÁNAG DjO-ruhtadeapmi</b>		ru 179 000
<b>Eará</b>	<i>ležasoassi 50% virgi prošeaktamielbargi AA</i>	ru 80 000
	<i>Ohcan Sámedi</i>	ru 20 000
<b>Ollislaš submi</b>		ru 279 000

*Vejolaš kommentárat bušehta hárrái Ovdamearkka dihte jos leat ohcan ruđa mángga gáldus. Mángga jagi prošeavttain čilgejuvvojit eará jagiid bušehtat protokollas/prošeaktačilgehusas – dása čállojuvvojit ollislaš jahkesupmit.*

*Leat maid ohcan legáhtaruđaid Ru 10 000. Jos dat juolluduvvojit prošeaktii, de geahppána iežas dutkanruđaid oassi 2024:s. Prošeakta bistá 2,5 jagi. Eará prošeaktaáigodaga bušehtta (vrd. protokolla):*

2023	2024	2025
Kr 279 000	Kr 279 000	Kr 139 500

Golut mat gusket prošeaktii sáhttá ovdamearkka dihte leat prošeaktajođiheaddji ja prošeaktamielbargi bálká, doaibmagolut, bálvalusoastin ja eará golut. Sosiála golut mat leat čadnon bálkái lea lassigolut, bargoaddi rehkenastá vuođđobálkká lassin (luopmoruđaid, penšuvdnamávssu, bargoaddidivvaga jna.). Olggosgolut mat gusket geavaheaddjiváikkuheapmái galget čuožžut bušehtas, geahča kapihttal 5.5.

<sup>4</sup> Individuelle lønstilllegg utover grunn-/basislønn vil ikke automatisk bli innvilget (jf. Helse Nord RHF retningslinjer. Se [kap. 4.7.1 Lønn](#) i denne veilederen)

Protokollas ferte čilget dárkileappot doaimmaid, madda laktásit golut, ovdamearkka dihte mátkkit mat leat čadnon jearahallamiidda.

Ohcamii ferte deavdit virggi, kvalifikašuvnnaid (oahppoduođaštus/CV) ja vuodđobálkká sidjiide geasa ohccá ruhtadeami, daid ferte dokumenteret mildosiin.

*FUOM: Li addo doarjja kvalitehtasihkkarastimii, jorgaleapmái dahje sierranas mátkkiide ii addu doarjja*

#### **4.7.1 Báلكá**

DjO-stivra lea bidjan njuolggadusaid bálkáleapmái «[Søknadsveileder Forskningsmidler i Helse Nord](#)» vuodul. Davvi Dearvvašvuoda njuolggadusain čuožžu ahte “buot ohccit dearvvašvuodafitnodagain geat ožžot dutkanruđaid Davvi dearvvašvuodas, vaikke makkár ámmát lea, galget doalahit sin vuodđobálkká jos leat juo virgáduvvon fitnodagas<sup>5</sup>”. Individuála bálkáleasáhusat mat bohtet vuodđobálkká lassin, eai dohkkehuvvo automáhtalaččat. Viidáseappot čuožžu “Dutkit geat eai leat leamaš virgáduvvon dearvvašvuodafitnodagas ovdal, muhto geat virgáduvvojit Davvi dearvvašvuoda dutkanruđaid geažil, galget oazžut bálkká mii lea heivehuvvon sin kvalifikašuvnnaide, bálkáleasáhusat maid galgá heivehuvvot eará dutkiid ektui main lea sullasaš virgi dearvvašvuodafitnodagas”.

Jos áiggut čielggadit bálkká ja individuála bálkáleasáhusaid de fertet váldit oktavuoda HR-ossodagain dahje klinihkkajođihemiin gustovaš fitnodagas. Ohccit geat leat virgáduvvon Finnmárkku buohcciviesus galget lohtet ášši FFS:i, gii fas doalvu ášši HR-ossodahkii.

#### **4.7.2 Doaibma**

Doaibma sáhtá sisttisoallat olggosgoluid geavaheaddjiváikkuheapmái, diehtočoaggin koordineremii ja diehtočoaggimii, golut diehtjuohkimii mat leat registaris dahje álbmotiskadeamis ja golut mat almmuhit bohtosiid dahje sullasaš.

- Dat ii addo doarjja ráinnas kvalitehtasihkkarastimii dahje friddja mátkkiide.
- Go lea sáhka jorgaleapmái, de ii addo doarjja ráinnas jorgalemiide, muhto dat sáhtá árvvoštallot dego okta oassin ovttá dutkamis dahje kvalitehtaproševttas, omd. Diehtočálus jorgalus, mieđáhus, jearranskovvi ja sullasaš. Dan sáhtá maid árvvoštallat jus dat sisttisoallá heivehusa sámegillii.
- Dat addo doarjja almmuhemiide ráinnas rabas olámuttoš-áigečállosiidda jus organisašuvnnas gos dutki lea barggus ii leat almmuhanfoanda dahje sullasaš. Almmuhangolut “Hybrid OA”-ai, dahje eará sániiguin artihkaloastin mat leat “giddejuvvon” abonnemeanttaáigečállosiiguin, eai gokčojuvvo.

#### **4.8 Ehtalaš neavvun/dohkkeheamit**

Buot dárbbalaš dohkkeheamit, ávžžuhusat ja registreremat galget leat ortnegis ovdal go álggaha proševtta.

---

<sup>5</sup> Kap.5.2 i [Søknadsveileder Forskningsmidler i Helse Nord](#)

Prošeavttat mat fátmmastuvvojit dearvvašvuođadutkanlága vuollai fertejit dohkkehuvvot REK:s ovdal go biddjojit johtui. Jos áigo geahččalit dálkasiid de ferte ohat dohkkehusa Statens legemiddelverkas. Dutkan ja ovdánahttinprošeavttat mat eai leat dearvvašvuođadutkanprošeavttat galget dieđihuvvot ja ovddalgihtii dohkkehuvvot NSD:s (norsk senter for Forskningsdata). (geahča kapihttal 2.4).

Prošeavttat mat gáibidit ávžžuhusa persovdnagáhttenáittardeaddjis fertejit dieđihuvvot sierra institušuvdnii.

#### **4.8.1 Sámi dearvvašvuođadutkama áššedovdi etihkalaš lávdegoddi**

Prošeavttat mat ožžot SÁNAG DjO-ruhtadeami galget čuovvot *Sámi dearvvašvuođadutkama áššedovdi etihkalaš lávdegotti* njuolggadusaid (geahča kapihttal 2.4). Digitála ohcanskovvi mii gullá sámi, kollektiivvalaš miehtama viežžamii gávdno [dáppe](#).

Sámi dearvvašvuođadutkama áššedovdi etihkalaš lávdegotti, REK, Statens legemiddelverk, NSD ja/dahje personsuodjalusáittardeaddji dohkkeheamit sáhttet biddjot mildosiin ohcamii dahje sáddejuvvot [sanks-fou-soknader@finnmarkssykehuset.no](mailto:sanks-fou-soknader@finnmarkssykehuset.no) vejolaš juolludeamis. DjO-ruhtadeapmi ii máksu ovdal go dohkkeheamit leat ortnegis.

#### **4.9 Bagadus**

PhD prošeavttain lea gáibádus ahte galgá leat váldobagadalli ja veahkkebagadalli. Bija mildosiin duođaštusa. Duođaštus mearkkaša ahte bagadallit leaba dohkkehan bagadalliovdasvástádusa ja ahte prošeakta lea čađahahtti ja almmuhan veara.

[Mal for veiledererklæring fra Helse Nord kan med fordel brukes.](#)

### **5. Bagadeaddji protokolla/prošeaktagovvidussii dutkan-, ođđahutkamuš- ja fága- ja bálvalusovdáneapmái**

Protokolla/prošeaktagovvadás galgá biddjot mielde dego sierra mielddusin ohcamušas. Protokolla/prošeaktagovvadás galgá leat eanemusat 10 siiddu dutkamušas, eanemusat 4 siiddu ođđahutkamušas ja fágaovddidusas, ja vel referánsalisttu ja figuvrrat. Siidofurmáhta galgá leat A4 2 cm siidoravda, 12 stu. čála (Times New Roman) ja eaŋkil linjágaskka.

Protokolla/prošeaktačilgehus galgá čájehit maid ohcci áigu dutkat.

Protokollas/prošeaktačilgehusas ferte ohcci čilget prošeavtta ulbmila ja duogáža; manne áigu čađahit prošeavtta, maid áigu dutkat (čuolbma) ja mo ohcci áigu gávnnahtit vástádusa čulbmii (vuohki). Ii leat dušše okta rievttas vuohki čállit protokolla/prošeaktačilgehusa. Hábmemii ja detáljaid dárkilvuhtii váikkuha earret eará prošeavtta viidodat ja makkár prošeavttas lea sáhka. Dihto dieđut galget dattetge álo leat mielde, vai DjO-stivra sáhtta árvoštallat ohcamuša relevánssa, kvalitehta, prošeaktajođiheami ja čađaheami gáibádusaid.

Protokolla/prošeaktačilgehusa lea buorre bargoreaidu ohccái ja galgá čilget prošeavttačađaheami.

[Davvi dearvvašvuođa málle prošeaktačilgehussii sáhtta geavahit bagadussan.](#)

DjO-stivra eaktuda ahte ohcci čuovvu čuovvovaš ávžžuhusaid go hábme protokolla/prošeaktačilgehusa sisdoalu. DjO-ovttadat sáhtta bagadeami ja rávvagiid bokte veahkehit jus lea dárbu. Váldde oktavuoda [SANKS-FOU@finnmarkssykehuset.no](mailto:SANKS-FOU@finnmarkssykehuset.no).

### **Ohcamušat mat eai olat čuovvovaš gáibádusaid eai meannuduvvo.**

#### **5.1 Mii berre leat mielde protokollas/prošeaktačilgehusas**

Lea dehálaš fuomášit buori prošeaktanamahusa/bargonamahusa, mii bures govvida prošeavtta.

#### **5.2 Čuolbmačilgen**

Doarjjaohcama čuolbmačilgehus berre čuovvut SÁNAG mihttu, mii lea lasihit máhtu psyhkalaš dearvvašvuodasuddjema, gárrendilledivššu ja sorjjasvuoda surggiin sámi álbmoga hárrái. Juohke jagi vuoruha SÁNAG DjO-foanda muhtin váldosurggiid, čuolbma ferte heivet daid surggiide mat leat vuoruhuvvon.

#### **5.3 Teorehtalaš lahkoneapmi ja vuohki**

Ohcci galgá ákkastallat mo dutkančuolmma vuodul válljejuvvo teorehtalaš lahkonanvuohki, fágalaš metodat ja dutkanviidodat.

Jos áigu geavahit informánttaid, de ferte prošeaktačilgehus govvidit mo daid áigu háhkat, ja makkár eavttuid vuodul informánttat galget válljejuvvot ja fátmmastuvvot. Reive, mainna bovdejit informánttaid searvat dutkamii, galgá biddjojuvvot mildosiin.

#### **5.4 Sámi perspektiiva**

Ohcamuš galgá govvidit makkár ávkeárvu prošeavttas lea sámi álbmoga psyhkalaš dearvvašvuhtii, gárrendillái ja sorjjasvuhtii. Prošeakta galgá fátmmastit sámi geavaheaddjimierváikkuheami, ja ohcci ferte čilget mo dát vuhtiiváldojuvvo prošeavttas (geahča kapihttal 2.2).

#### **5.5 Geavaheaddjimierváikkuheapmi**

Dutki ferte árvvoštallat makkár geavaheddjiidmierváikkuheapmi heive ovttaskas prošeaktii. Dutki ferte protokollas/prošeaktačilgehusas čilget mo jurddaša geavaheddjiid ávkkástallat plánen- ja čadahanásis. Čilgehusas maid galgá boahit ovdán makkár ávki prošeavttas lea geavaheaddjiulbmiljovkui.

Ferte rehkenastit olggosgoluid go lea geavaheaddjimierváikkuheapmi dearvvašvuodadutkamis. Dutki ferte bušeteret buot olggosgoluid plánejuvvon prošeavttas, daid maid mat gusket olggosgoluide geavaheaddjimierváikkuheami oktavuodas. (Geahča kapihttal 2.3 ja 2.4)

## 5.6 Ovttasbargoguoimmit

Ohcci ferte čilget ovttasbargoguoimmiid doaimma ja rolla. Galgá čilgejuvvot maid guoskevaš ovttasbargoguoimmit galget bargat prošeavttas. Ovttasbargo šiehtadus dahje duodaštus biddjo mildosiin.

## 5.7 Máhttostáhtus/ girjjálašvuohta / referánsat

Ohcci ferte čájehit makkár dieđut/dutkamat gávdnojit fáttá birra masa ohcá ruđaid. Protokollas/prošeaktačilgehusas ferte čujuhit relevánta referánssaide.

## 5.8 Čađahanplána

Prošeavtta čađaheapmái ferte leat ráhkaduvvon plána, mii čájeha ahte lea realisttalaš ja vejolaš čađahit rehkenastojuvvon resurssaiguin (áigerámma, áigegeavaheapmi, ekonomiiija, bargit ja gealbu jna.).

## 5.9 Prošeavtta organiseren

Dearvvašvuođadutkanláhka bidjá gáibádusaid dearvvašvuođafágalaš dutkama organiseremii. Protokollas/prošeaktačilgehusas galgá bohtit ovdan mo dutkan organiserjuvvo, prošeaktajođiheaddji, prošeaktabargi(id) ja bagadeaddji(id) namat ja sin gealbu suorggis. Galgá maid čilget mo dieđuid áigu rádjat (čujuhit GDPR:i).

## 5.10 Etihkalaš árvoštallamat

Ohcci galgá árvoštallat prošeavtta etihkalaš beliid. Vurdojuvvo, ahte dáhkko sierra ehtalaš árvoštallan dutkan/ovdánahttinbargguide sámi álbmoga ektui.

Geahča “etihkalaš njuolggadusat sámi dearvvašvuođadutkama ja dutkan sámi humána biologalaš ávdnasiin” sámedikki neahttasiiddus. Etihkalaš njuolggadusaid gávnnat [dáppe](#).

## 5.11 Plána mo dutkanbohtosiid implementeret

Čilge mo plánet implementeret dutkanbohtosiid dearvvašvuođabálvalussii.

## 5.12 Bohtosiid gaskkusteapmi

Ohcci ferte ovddidit plána mii čájeha mo son áigu gaskkustit prošeavtta bohtosiid. Okta eaktu doarjagii lea ahte dieđalaš artihkkalat mat čállojit SÁNAG dutkama vuođul lea ahte artihkkalat galget leat olámuttos, nu go Davvi Dearvvašvuođa RHF<sup>6</sup> gáibádusain ja Norges forskningsråd láidestusas bohtá ovdán.

## 5.13 Bušeahtta

Prošektii galgá ráhkadit dárkilis bušeahta. Juolluduvvon ruđaid galgá geavahit ráhkaduvvon bušeahta mielde. Jos lea vuostáiváldán dahje ohcan ruđa eará gálduin, de ferte dan almmuhit geahča čuoggá 4.7.

---

<sup>6</sup> Se kap. 6. Vitenskapelig publisering og forfatteradresser i [Helse Nord Utlysning Forskningsmidler 2023](#)

## **6. Bagadus álggahanstipeandda ja bálvalusovdánahttin prošeaktaevttohussii (eanemus 4 siiddu)**

Sáhhtá ohcat doarjaga prošeaktaovddideapmái (álggahanstipeandda) gitta golmma mánnui, hábmen dihte protokolla phd. stipendii, fága- ja/dahje bálvalusovddidanprošeavttaide. Ohcamuš sáddejuvvo dábálaš ohcanskoviin, muhto ii dárbbáš ráhkadit ollislaš protokolla/prošeaktačilgehusa. Prošeaktaevttohus dákkár ohcamuššii galgá leat eanemus 4 siiddu, + referánssat ja/dahje figuvrrat, mas guoskkaha dán bagadusa namuhuvvon áššiid.

### **6.1 Organiseren ja gealbu**

Bargoaddi galgá duođaštit, ahte ohcci oažžu virgelobi nu mo ohcamušas čilgejuvvo, jos ohcamuššii juolluduvvo ruđa. Ferte maid bidjat mielddusin duođaštusa vuodđobálkká birra. Ferte almmuhit man guhkes áigodahkii doarjaga ohcá.

PhD-stipeandda ohcamuša prošeaktajodiheaddjis galgá leahkit dutkangelbbolašvuohta<sup>7</sup>.

### **6.2 Namma/čuolbma**

Ohcci ferte čilget prošeavtta ulbmila ja čuolbmačilgehusa. Prošektii ferte hábmet gaskaboddasaš bargonamahusa.

### **6.3 Máhttostáhtus**

Referánssaid vuodul ferte čilget makkár máhttostáhtus fáttás lea (dutkan/vásáhusaide vuodđuduvvi máhttu/teoriija).

### **6.4 Metoda**

Prošeaktaevttohusas ferte boahit ovdan makkár metoda(id) leat jurddašan geavahit, ja manne leat válljen metoda(id). Makkár populašuvnna áigot dutkat? Mo dieđut čoggojuvvojit? Ohcci ferte govvidit mo daid áigu háhkat informánttaid ja prošeavtta geavaheaddjimielváikkuheami. Jos geavaheaddjimielváikkuheapmi ii leat relevánta prošektii de ferte muitalit manne.

### **6.5 Čađahanplána**

Ohcci ferte ráhkadit plána prošeavtta čađaheapmái. Ferte čilget áigerámma ja makkár dohkkeheamit dárbbášuvvojit prošeavtta álggaheapmái ja čađaheapmái.

## **7. Eará mildosat**

Mielddusin ferte bidjat prošeaktajodiheaddji, ph.d.-stipendiáhtta, prošeaktamielbargi ja bagadalli CV/duođaštusaid ja vejolaš publikašuvdnalisttu.

CV ii galgga guhkit go 4 (njeallje) A4 siiddu. Publikašuvdnalistu ii galgga guhkit go okta (1) A4 siidu ja dat galgá sisttisoallat deháleamos publikašuvnnaid (eará čálát loguid mielde). [Davvi dearvvašvuođa CV málle](#) sáhhtá geavahit bagadussan.

---

<sup>7</sup> Forskningskompetanse betyr at prosjektleder har en doktorgrad eller inneha førsteamanuensiskompetanse



Ohcci ovddasvástida ahte dieđut ohcanskovis leat riehta ja ahte lea bidjan rivttes mildosiid.

## **8. Raporta ja rehketoallu**

Prošeavttat mat ožžot doarjaga galget addit dieđu ruovttuluotta dieđihanáigemearrái go ožžot ruđaid.

Prošeavtta jahkebealraporta ja rehketoallu galgá leat gárvvis maŋimuš geassemánu 1. beaivvi 2024. Loahpparaporta ja rehketoallu galgá leat gárvvis maŋimuš guovvamánu 1. beaivvi 2025, skovvái mii lea mielddusin vástidanreivves. Sus geas lea ovddasvástáduš institušuvnna rehketoalus dahje ekonomiijaráđdeaddi galgá vuolláičállit rehketoalu.

Jos leat gažaldagat, váldde oktavuoda SÁNAG DjO-ossodagain [SANKS-FoU@finmarkssykehuset.no](mailto:SANKS-FoU@finmarkssykehuset.no) , DjO-ráđdeaddi Shiho Hansen (tlf.: +47 78 96 97 94, e-boasta: [Shiho.hansen@finmarkssykehuset.no](mailto:Shiho.hansen@finmarkssykehuset.no)) .

## 9. Bajilgovva buot bákkolaš mildosiin 2024

	Forskningsprosjekt	Ph.d.- og postdoc stipend	Innovasjon og fagutvikling	Startsstipend (3 mnd.)	Prosjektutvikling (3 mnd.)
<b>Prosjektleders kompetanse</b>	doktorgrad eller førsteamanuensis-kompetanse	doktorgrad eller førsteamanuensis-kompetanse	kreves ikke forskerkompetanse	doktorgrad eller førsteamanuensis-kompetanse (søker må ha minimum mastergrad)	<i>Forskningsprosjekt:</i> doktorgrad eller førsteamanuensis-kompetanse <i>Innovasjon og fagutvikling:</i> kreves ikke forskerkompetanse
<b>Prosjektbeskrivelse (10 sider + referanseliste og figurer)</b>	Ja	Ja	Ja	Nei	Nei
<b>Prosjektskisse (2-4 sider + referanseliste og figurer)</b>	Nei	Nei	Nei	Ja	Ja
<b>Bekreftelse fra arbeidsgiver om permisjon</b>	Ja	Ja	Ja	Ja	Ja
<b>Bekreftelse på grunnlønn/basislønn og ev. individuelle lønnstillegg (til de det søkes lønnsmidler for)</b>	Ja	Ja	Ja	Ja	Ja
<b>CV/vitnemål (til de som det søkes lønnsmidler for) (Max 4 sider)</b>	Ja	Ja	Ja	Ja	Ja
<b>Veiledererklæring</b>	Nei	Ja	Nei	Ja	Nei
<b>CV/vitnemål veileder (4 sider)</b>	Nei	Ja	Nei	Ja	Nei
<b>Samarbeidsavtale med SANKS</b>	Ja	Ja	Ja	Ja	Ja
<b>REK-godkjenning (kan ettersendes)</b>	Ja	Ja	Ja, hvis omfattes av helseforskningsloven	Nei	Nei
<b>Personvernombud (kan ettersendes)</b>	Ja	Ja	Ja	Nei	Nei
<b>Etisk komité for samisk helseforskning (Kollektiv samtykke) (kan ettersendes)</b>	Ja	Ja	Nei	Ja	<b>Ja (forskningsprosjekt) Nei (innovasjon og fagutvikling)</b>

